

T1742/4822 b(16)

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

MAR 1 1954

南方七宿總論
井宿論
鬼宿論
16

管窺輯要

十六

共廿七

管窺輯要卷之四十四

六安黃 鼎玉耳父纂定

哈佛大學哈佛東京
圖書館珍藏印

男九命簡臣

侄九錫公位

九疇倫叙


九如眉介

侄孫珮琢成

珂先鳴

桐城方兆及子詒全闕

紫 微 垣 內 階



南方七宿總論

南方七星共五十九星其屬連太尊四十座共一百八十七星其精朱鳥井為首鬼為目柳為喙星為頸張為喙翼為翻軫為尾王奕曰朱鳥其以羽蟲之長稱而曰鶉首鶉火鶉尾何也師曠禽經鶉鳳也青鳳謂之鶉赤鳳謂之鶉白鳳謂之鶉紫鳳謂之鶉蓋鳳生於丹穴鶉又鳳之赤者故南方七宿取象焉吳興沈氏以朱鳥為丹鶉豈知四獸皆蟲之長也鶉之微何與焉俗傳井為天井鬼為天

匱柳爲厨星爲天車張天秤翼爲天都軫爲天階
井宿論

東井八星天之南門也黃道所經天之亭候主水
衡事法令所以和平也王者用法平則星明而端
列月五星孛彗守犯主兵主水秦分灾鉞一星不
欲其明明與井同主大臣用鉞月宿東井有風雨
南四星曰水府主水官也井南垣四星四瀆江淮
河濟之精也狼一星在井南狼爲野將主侵掠色
有常不欲其動動則野有侵掠兵起狼角變色多
賊盜弧矢九星在狼東南天弓也主備盜賊常向
於狼弧星動搖不如常者盜賊胡兵起弧星張則
胡兵靖天下定亂故曰天弓張天下無兵老人一
星在弧南一曰南極以秋分朝見於丙春分夕沒
於丁主壽昌常以秋分日候之於南郊見則治安
不見則兵起子孫各二星在老人之西丈人二星
在子星西國之老臣也南河北河各三星分夾東
井一曰天高天之關門也主關梁南河曰南戒一
曰南宮一曰陽門一曰越門一曰權星主火北河

曰北戒一曰北宮一曰陰關一曰胡門一曰衡星
主水兩河戒間五星日月之常道也南戒動搖則
中國與越兵起北則胡兵起兩戒無動兩國兵寧
月五星客彗守犯並主兵起五諸侯五星在東井
北主刺舉不虞理陰陽察得失主帝心一曰帝師
二曰帝友三曰三公四曰博士五曰太史此五者
爲帝之謀議星明大潤澤平治天下芒角則禍在
其中五諸侯南二星曰天罇主盛飲食以給貧餒
也積水一星在北河之東北水聚也所以供酒食
之正也積薪一星在積水兩庖厨之正也水位四
星在積水東南水衡也客星水火犯之百川流溢
闕丘二星在河西南變動則主宮闕之警軍市十
三星如錢狀市中星多則軍食足野雞一星在軍
市中知變怪又曰野雞野將也主兵

井宿說

井八星宋志距西扇北第一星去極六十九度赤
道三十三度三十分自九度十八分四十四乙秒入
未黃道三十一度三分自八度三十四分九十四

秒入未日月五星貫之爲中道石氏謂之東井以
其在玉井之東也亦曰天井入河中主水衡法令
中平之事物之平莫如水故營國制城畫野分州
皆取象焉王者用法平則井明而端列月離于井
有風雨之應中有六星不欲大明明卽水災井爲
朱鳥之冠故盧仝詩云頭戴井冠晉灼東井主水
事火入一星居其傍天子且以火敗故曰禍成井
郗萌曰流星起井所主之國火水木金水聚則中
外兵連彗見七旬王者當之五旬相當之三旬兵
當之木守有土工一曰大水或兵起鎮在井下則
水出流人太白守五穀不成客星犯則大臣誅五
星及客星守皆主水石氏云主旱太白晝見臣強
秦有兵太白入一曰以上占應在五年太白逆行
入之國失政大臣亂鎮入大臣憂鎮近距星主水
月犯距星有兵有赦一曰將死月掩南扇西頭第
二星秦有兵將死又主諸侯帝戚三公之位故明
大則封侯張衡云天之南門也黃道所經爲天之
亭璣又主酒食又爲女主象芒角日月食五星逆

管窺輯要 卷之四十四
犯大臣謀亂兵起

鉞一星在井之前不附于井自爲一座星王應電作附於井主伺奢淫而斬之故不欲明大若明大與井齊或動搖則天子用鉞於大臣故史記曰傷成鉞

五諸侯在井東北近北河主刺舉戒不虞亦曰主帝心一曰帝師二曰帝友三曰三公四曰博士五曰太史又曰五大夫此五者常爲帝定疑議張衡曰治陰陽察得失明而潤澤大小齊等則天下大治不明則上下相猜忠臣不用芒角則禍在中國又曰赤則豐暗則荒王應電云畿外諸侯皆聖王建國以養民者也故列井之上一作帝戚搖動失色則貴戚廢三公受殃諸侯戮

南河北河各三星分夾東井天之闕門南河曰南戒一曰南宮一曰越門一曰陽戶自弘農函谷絕江漢達嶺循漳東抵越雋東甌以爲南紀爲陽國主禮樂之政北河曰北戒一曰北宮一曰胡門一曰陰戶自壺口北負微垣東抵穢貊朝鮮以爲北

紀爲陰國主攻伐之政地理有南北二絡于此徵
矣南界限蠻夷北界限戎狄兩界門三星之常道
也又曰南河曰權星主火北河曰衡星主水星經
云兩河六星知逆邪謂其知關梁之限故知邪僞
也南星不見則南道不通北星不見則北道阻遏
河戒動搖中國兵起史記火守南北河兵起穀不
登

天樽三星在五諸侯南主盛饘粥以給酒食之正
也張衡云盛饘粥以給貧餒則亦養民之事明則
豐暗則荒或謂暗吉後天卦粒坤居西南萬物皆
致養焉故曰井養而不窮也養莫大於愛老恤孤
則貧者皆有所養矣

積水一星在河北以給烹飪供酒食之用不見爲
災又主候水旱

積薪在積水東以備庖厨之用明則人主康微則
災火守則大旱

水府四星在井西南水官也主隄防溝洫之事占
與水位同動搖有大水

管窺輶馬 卷之四十四
水位四星在井東主水衡巫咸曰水位四星瀉溢
流若移動近北河則國沒爲江河大水及客星犯
守則百川盈溢

四瀆四星在井南軒轅東北江淮河濟之精明大
則水泛溢六府之中水居其先王政之所至重也
故周禮川則有衡澤則有虞溝洫則有匠人故凡
麗于天者若四瀆咸池之類皆虞衡之所職水府
羅堰九坎天淵之類皆匠人之所職歟

軍市十三星在參東南如錢狀行軍貿易之市使
有無通也動搖或變色及客星或金火守皆主軍
大飢

野雞精一星在軍市中主知物價察奸慝買人也
野雞不附軍市雞自守其所司也芒角搖動爲兵
災移出軍市諸侯兵起一曰主察變恠

闕丘二星在南河東主宮門外象魏天子之雙闕
諸侯之兩觀也金火守之兵戰闕下

丈人二星在軍市西南主壽考而衰孤窮不見則
臣下之情不得上達

管子 卷之四十四
子二星在丈人東主孝愛以待丈人之側相扶而居不見爲災守常則無咎明則子孫昌

孫二星在子之東占與子同

狼一星在井東南爲野將主殺掠相侵若芒角變色多盜賊作胡兵起人相食躁則人主不靜不居其宮馳騁天下張衡云居非其處則人相食色黃白而明則吉黑凶赤芒角則兵起金火守亦然

弧矢九星在狼東天弓也矢得以附弧矢一人執之耳常擬射狼正義曰矢不直狼則多盜張衡云引滿則天下兵起動移則多盜賊明則兵火起狼弧張天下盡兵主與臣相謀芒角張則兵起

老人一星在弧南宋志云去極一百四十三度入井宿三度所以占大人壽考者也南極常以秋分之旦見於丙春分之夕没于丁常以秋分時候之于南郊明大則人主有壽天下治安不見則兵起蓋北極在丑艮故南極在未坤南極入地三十六度不可得而見也故其精神出以見乎南謂之南極老人然其出地亦不甚遠故隱見不常見則治

安其勢位等威蓋與中斗相埒以輔上帝故在井
分井不得而司之也唐志開元十二年測影使者
大相元太云交州望極纔出地二十餘度以八月
自海中南望老人星殊高老人星下環星燦然其
明大者甚衆圖所不載莫辨其名大約去南極二
十度以上其星皆見乃古渾天家以爲常沒地中
伏而不見之所也馬一龍云今南海之濱爛爛煌
煌森列上下皆三家之所未明者

井宿主水府度三十三度三十分中間爲黃道初
井九度外末柳四度內於辰爲未於辰爲秦於野
爲雍州賦鶉首秦雍井之與鬼東井當洛之西北
郊西西夏之邦與鬼當洛之西南盡巴蜀漢中之
地二月在弧昏中西五月爲太陽躔次

井宿歌

八星橫列河中靜一星名鉞井邊安兩河各三南
北正天罇三星井上頭罇上橫列五諸侯侯上北
河西積水頭覓積薪東畔是鉞下四星名水府水
位東邊四星序四瀆橫列南河裏南河下頭是軍

市軍市團團十三星中有一個野雞精孫子丈人
市下列各立兩星從東說闕丘兩個南河東丘下
一狼光蓬茸左邊九個彎弧弓一矢擬射頰狐胸
有個老人南極中春秋出入壽無窮

井宿考

鉞一星附於井足前第一星邊去二寸主司滌慾
西行斬斷南河各三星分夾東井天之關門主關
梁南河曰南界北河曰北界南界以限蠻夷北界
以限戎狄○天罇三旦井北五諸侯南主盛饘

粥以給貧餒五諸侯五星在東井東北近北河主
刺舉戒不虞理陰陽察得失又主扶顛持危發奸
摘伏○積水一星在北河西主聚美水以給天子
酒官○積薪一星在北河東主聚薪以給享祭供
庖厨○水府四星在東井西南鉞星下主後隄防
以備水○氷位四星在井東南主水衡以洩滌溢
○四瀆四星在東井南軒轅之西江淮河濟之精
也○軍市十三星如錢狀在參東南天軍貿易之
市○野雞一星在軍市中主知怪變伏奸虞又曰

野雞大將主屯營號令警急防備○丈人二星在軍市南國家之老臣○子二星在丈人東○孫二星在子星東所以侍丈人而扶持之○闕丘二星在南河東天子之象魏○天狼一星在南河東南主殺掠一曰夷將主南夷主盜賊○弧矢九星在狼東南天子之弧矢也以備盜賊奸寇弧司其非故常注矢以向○老人一星在弧矢西南曰南極老人主壽考秋分之旦見於丙春分之夜沒于丁

井八星主水泉亦為天之南門又主酒食主水衡法令之所取平也石氏謂之東井亦曰天井諸侯帝戚三公之位明大則封侯建國搖動則公侯誅廢月臨主兩五星犯大臣謀亂火犯明則水災又曰用法平則井星明而端列鉞星一星在井西主征討驕奢之事明大與井齊大臣誅兵起水府四星在鉞南經曰水府司乎百川移動則百川盈溢

四瀆四星江淮河漢也在井南主天上䟽穢積遠
之事明動則泛濫

水位四星在天蹲之南主防浸溢與水府同占
南河三星在水位南北河三星在五諸侯北俱天
大腸也經曰天河鴻流而迅奔又云南河主火北
河主水動則旱澇不均

闕丘二星在四瀆南經曰闕丘擬於兩觀

軍市十三星在闕丘西南主天軍貨易之事經曰
軍市通貨 綴金火守大亂

野雞一星在軍市之內經曰野雞俟兵而據市主
變恠芒動兵起

狼一星在軍市東經曰狼援戈而野戰又云狼爲
野將主侵掠也移動胡兵起

弧矢九星在狼星東南天之弓矢也主備盜賊經
曰弧矢屬矢而承天移動盜賊盛

老人一星在狼星南一曰南極主長命之事常以
秋分之日見於丙春分之夕沒於丁經曰老人作
主明大人主有壽

管子卷之四十四
子二星在孫之西主天帝及天神之胤子

孫二星在狼之西南主天帝及天神之雲仍子孫

二星侍丈人之側不見爲災

丈人二星在子之西主壽經曰丈人督農而夜懸

天罇三星在井東經曰天尊奠饌而翕集

積薪一星在天罇東經曰積薪備牲庖之給明吉

火守旱

五諸侯五星在井北經曰五諸侯擬議而衡立主

理陰陽察得失明吉

積水一星在北河之北經曰積水醞燕酌之勞主

供酒用不見爲殃

井八星鉞一星三十度距井南股西第一星去極

六十五度半在黃道內少水星也春夏爲火秋冬

爲水南方之宿爲朱雀天之南門黃道之所經也

天之庭候主水衡事法令所取平也主用法平則

井星而端列動則火起一曰有水災明大有風

雨海決不明差戾國弱亂政○鉞一星附井之前

伺淫奢而斬之故不欲明其明與井齊則用鉞於

大臣井宿之有風雨日月五星皆應其中過不應
留之守之留守皆凶○日食井中大臣有謀月行
逆北北夷亂大飢兵起水灾行近東南南南變大亂
旱○木守之王者急多獄事若守二十日巳上天
下更改有土工水灾人飢火守之貴臣相戮守二
十日巳上宮憂火五月六月有水灾魚行人道火
入井國大亂人飢道上多死土守之大旱不熟出
入之留三十日巳上有亂兵起東北若久留不出
天下無主水守之王法相尅水入之大水爲灾金
入之二十日巳上天子易政兵起天下大亂○客
入之有水旱泰地灾

水火木金於井入內有兵喪期一年○五星凌犯
及乘守芒角相連環繞成勾巳三軍大破國憂兵
明君出狩大荒人飢死○彗孛行犯之其分兵起
易政○鉞星不欲明明則大臣犯罪去井二寸若
遠則兵起斧鉞動大亂鉞星大或動有兵小則兵
罷○月暈井大凶

井宿總叙

東井八星一曰天府一曰東陵一曰天井一曰天關一曰天門一曰天梁一曰天亭一曰天候一曰天齊一曰天池水星也主水泉亦爲天之南門日月五星貫之爲中道又主酒食女主之象主諸侯帝戚三公之位爲天之亭侯主水衡法令之所取平也三光行不由其中道爲天下無道經之不得畱之王者心正則井星正井星正而明則法度正今明明大盛則多風雨有大水暗小不正則國弱正亂搖動變色則諸侯帝戚有廢戮三公受殃移徙則國亂憂洪水爲災鉞一星附井口第一星邊二寸主伺淫奢而斬之不欲其大明大明則鉞鉞用兵起動搖芒角則大臣多死于法者星亾則天下大水

日月變異占

日在井食雍州大旱人流千里甘氏曰秦邦不臣食盡則謀成不盡則謀不成戒之在供養之臣陳卓曰女主憂國內亂苛政行武氏曰陽弱失地食盡則天下大旱○日暈於井多陰雨大風

月食于井大臣有謀皇后憂五穀傷陳卓曰國內
亂有兵喪乙巳占曰水衡五祀之官有憂大至誅
食盡兵起○月食在井鉞中人流千里○月暈於
井海中占曰胡兵起郗萌曰天下有兵又曰王者
出遊來年旱後六個月丙辰大赦荊州占曰陰陽
不和一曰國有憂事兵起人流○月暈圍井四月
四夷不和一曰國有憂事兵起人流○月暈一重
四夷不和二重三重陰陽不和○月以三月暈井
井大水月以丑月壬癸日暈有內赦月暈井及鬼
其年旱禾不收○月行至井變色而青國有憂赤
爲兵旱白有喪黑大水黃有風○月失行入井大
風雨水爲災○月宿井而霧有水患○月宿井行
北北夷大飢國亂○月行井南南夷國亂

月五星干犯占

月犯井刑政不平兵起人主憂乙巳占曰將軍死
一曰多風雨大水爲災一曰歲荒人飢一曰水官
有出者○月犯井左右星女主憂○月水火入井
諸侯貴人死荊州占曰有兵○月食在井內亂以

管窺輯要 卷之四十四
日占國○月亂鉞大臣誅斧鉞用內亂兵起有拔城流血破軍殺將

歲星守井法令多獄事守之七日天下和平至二十日天下更改有水災五穀傷有土工一曰秦亂國守其北多暴雨石氏曰木守井河水溢黃帝占曰大飢人疾病郗萌曰大人多病有喪一曰將相死人爲大旱荊州占曰道上多死人一曰萬物不成久守之金錢易天文志曰禍成○井五星守之皆爲有兵喪乙巳占曰木守畱井其國以兵致天下○木守井環繞成勾巳有赦木入井黃帝占曰有軍在外○歲星進則兵退星退則兵進郗萌曰歲星入東井一南一北侯王憂一曰害黍稷又曰天下有土工川瀆之事畱之二十日巳上易政朔一曰木入井歲飢人病乙巳占曰木入井秦國凶武氏曰易治天下○木犯井中乘之陳氏曰三者法令急多獄事其年大水人飢天下改令郗萌曰其國內外有兵起乙巳占曰人主有汎水之事大將惡之有內亂○木乘井而守之人主有法令水

中之事逐臣爲亂將軍死人主憂○木犯凌井芒
角相連環繞成勾巳兵大起國君出走人民十死
其九五星同占○木舍井若居東五穀不成居南
國君病諸侯多死居西小兒多死居北有改令○
木出入畱舍井三十日天下有水非一國○木逆
行井石氏曰有兵陳卓曰刑壅塞郗萌曰人君出
入不時木犯一同○木犯中乘凌井守井鈇鉞用
大臣誅一曰賢相死近臣爲亂兵起

熒惑守井三日貴臣相戮守二十日巳上中宮有
大災滿六十日有大水魚行人道貴相死郗萌曰
火守井百出皆溢石氏曰米貴天下名水有絕者
大旱大魚死巫咸曰有逐王郗萌曰萬物不成一
曰天下以軍自守一曰火守井南王后死守其西
太子死守其北諸侯有死者久死守之其分民多
死○火守井巳上成勾巳角動色赤黑貴人死北
川溢兵起若環繞成勾巳之起兵者事成○火中
犯乘井有兵陳氏曰有以家事巫罪者天文錄曰
天子以水敗荊州占曰先起兵者殃後起兵者昌

李筌曰將死郗萌曰火犯井南后死○火八井石
氏曰旱其國亂有兵兵止無兵兵起大臣當之甘
氏曰有疾令黃帝占曰牛大疫兵器貴一曰山水
海水溢國失火有逃亾先起兵者戰不勝○火入
井有赦○火入井中國守之天子宮中失火大苾
角疾行入井十日將死三十日君死○火入井太
白隨之成勾巳天下兵起天子坐之黃帝占曰火
出北河界至井干一二星將軍有野死者干二星
內臣有市死者○火逆行井貴人死傷有火災○
火經井中而南出天下易主海中占曰火行井上
二丈將軍死○火行井亾曜常行之道而畱守之
其國內亂一曰辰占何國○火出入畱舍井三十
日不下有破國死主○火犯守井大旱五穀不成
黃帝占曰有水石氏曰不出一年
鎮星守井大旱五穀不成黃帝占曰有水石氏曰
不出九十日有赦郗萌曰有土工甘氏曰有水人
多病一曰民飢久守之金錢易守其陽旱守其陰
水國君死以日入占國守之二十日兵起六十日

國破○土舍井黃帝占曰有賜爵祿者留之三十日不行人災○土入井石氏曰大臣憂荊州占曰天下無主天文錄曰兵起東北○土入井居其中早土星出乃雨○土入井行陰爲大水五穀不成○土逆行井女主不能奉祭祀○土出入畱舍井三十日不下石氏曰水大出人流死六十日不下兵起有破國死君○土守犯井鉞王者惡之一曰大臣誅兵起

太白犯井海中占曰人主浮船石氏曰將軍惡之乙巳占曰金犯乘井皆爲國內亂兵起○太白人井石氏曰國失破大臣爲亂兵大起天子以兵自守鄒萌曰先起兵者敗天下大水荊州占曰將軍有戮死又曰政急民流諸侯有卒兵一日臣有謀上者大臣常有災○太白入井中二十日以上天下易政一日六畜疾兵大起○太白守井黃帝占曰木災一日米貴將相死兵起石氏曰旱巫咸曰君失政大臣爲盜有誅大人忘之一曰萬物不成有大災鄒萌曰兵起東南石氏曰太白守井十日

不下大人坐之三十日不下神水出歲多土工郟
萌曰太白守井一東一西一南一北男不得耕女
不得織○太白犯凌乘井而守之大將誅兵起○
太白逆行井有反臣國易政兵大起秦地大殃○
金犯守井鈇鉞用大臣誅內亂兵起

辰星入井天下水災春秋文曜鈞曰蠻夷君有死
者邊兵起期一年一曰有亂臣馬貴星進則兵進
星退則兵退○水入井中守之天下易政○水犯
井馬暴貴有大臣憂石氏曰刑法不平歲大惡郟
萌曰胡兵起天文錄曰辰星進則兵進星退則兵
退○水犯守井角動色赤黑爲水起兵色黃潤天
子有喜令色惡大人憂○水守井黃帝占曰大水
百川皆溢石氏曰歲早早晚水又曰法臣相戮一
曰胡兵起感精符曰辰星守井去之七寸守七日
已上至十五日天子殺大臣郟萌曰五穀萬物不
成金錢易一曰五穀霜死歲大惡其分尤甚一曰
其國大人惡之○水出入東井有亂臣○水逆行
天下名水有絕者水受期不朝東井五穀不登○

水犯守井鉞用大臣誅兵起水灾穀不成收

井宿去極度數考

按井宿本位居未次秦雍州之分凡三十四度六月旦在卯七月旦在辰八月旦在巳九月旦在午十月旦在未十一月旦在申十二月旦在酉十一月昏在卯十二月昏在辰正月昏在巳二月昏在午三月昏在未四月昏在申五月昏在酉井八星三十四度距西扇北去極六十九度半入井初度天之南門黃道所經爲天子亭候主水衡

法令水衡卽今工部都水虞衡司又爲天子府甘

德曰井在河中主泉水日月五星貫行中道石申

謂之東井亦曰天井主諸侯帝戚○井在南河北

河分夾之故井位居東謂之東井今井屬南方者

以舍次言如南斗名曰南斗而屬北方箕亦曰南

箕而屬東方類諸侯列國君帝戚王者外親又主

三公位

解見前

占曰井明大則封侯建國搖動諸侯憂貴戚廢三公帝師黜天官書云井有風雨之變王者用法平

則井明而端列月宿井有風雨又曰日月食五星
犯大臣謀亂中有六星不欲其明明則水災彗孛
守諸侯國謀叛兵起

鉞一星去極六十七度入參八度附井之前爲附
座主伺奢淫法禁鉞者斧也伺候也奢華侈也淫
荒佚也

占曰鉞星微小吉明大搖動與井同大則天子用
鉞誅大臣金火守大臣因兵事受誅

南北兩河各三星南河距東大星去極八十三度
入井二十一度北河距東大星去極六十一度半
入井二十度分夾井宿夾持護也○曰天高天之
闕門主關梁南河曰南戒一曰南宮曰陽門一曰
越門一曰權星主火北河曰北戒一曰北宮一曰
陰門一曰胡門一曰水衡主水越門主南越胡門
主北胡濑清考漢書越不止南又有北越胡不止
北又有東胡旣曰越門胡門總一出入東西南北
俱有胡越查胡虜有八十餘種夷狄有三十餘種
胡越特總名耳○兩戒之間三光常道是謂帝闕

亦曰天街兩戒乃南界北界唐一行云天下山河之象存乎兩界觀兩界之象與雲漢之所始終而分野可知南戒自弘農弘農縣名漢武帝置弘農縣於函谷關卽今陝西靈寶縣也荀卿所謂秦有松柏之塞是也唐爲虢州弘農郡函谷關名其谷似函故以爲名道狹車不得方軌號曰天險在弘農縣衡領山今屬陝州○絕江漢絕斷也言斷自江漢也江水始出岷山皆禹貢云三江旣入震澤底定岷爲大江至九江爲中江至徐陵爲北江所謂三江常璩曰漢水有兩源書禹貢所謂嶓冢導漾東流爲漢者此東源今西縣是也其西源出隴西嶓冢山會泉始源也曰沔經葭萌入漢者爲西源今三泉縣是也酈道元謂東西兩源俱出嶓冢而同爲漢水者○南達五嶺達通也五嶺說不同一曰白茫在道州江華縣西亦名茫渚二曰永明在道州三曰大庾在南安府大庾縣四曰監源在源州五曰獵嶺在桂陽郡又曰一大庾二始安在昭州平樂縣三監賀在賀州四桂陽在彬州五揭

陽在潮州揭陽縣又南康記云一大庾二桂陽甲盼嶺三九真都寵嶺四監賀萌續嶺五始安越嶺又文獻通考云一大庾嶺卽塞上嶺也二踰出嶺今桂陽郡獵嶺也三都寵嶺今江華縣永明嶺也四毗渚嶺亦江華縣白茫嶺也五嶺越嶺今始安郡北零陵郡南監源嶺也西自衡山之南窮于海一山之限也今並錄以備考○循漳西循遵也言遵漳水之西今福建漳州府之西屬地○東抵雋越抵當也雋越唐劍南道雋越郡今延平府是也東甌古有東甌城今建寧府是也○以爲南紀爲陽國主禮樂之政禮有五禮樂有六樂禮者習於度數之節文所以教之中也樂者明於聲音之高下所以教之和也備在禮經不及錄○北戒自首陽首陽山名在山西河中府一曰在遼州壺口今山西吉州有壺口山書禹貢謂旣載壺口○絕上紀絕斷也上紀成紀也今秦州屬地或曰上紀卽上郡今綏德州地屬是○北負微垣負背也言背微垣崔豹古今註云塞者所以擁塞夷狄也西北

曰塞東南曰徼○東抵濊貊抵當也濊貊本東胡地屬朝鮮亦曰葦州南按辰韓北按高句麗東窮大海西至樂浪漢武帝元朔元年濊君南閭等叛朝鮮率二十八萬口詣遼東內屬地帝以其地爲滄海郡朝鮮箕子封朝鮮今遼東分野邊界屬○以爲北紀爲陰國主攻伐之政孫子曰用兵之法十則圍之五則攻之言以十敵一則圍之以五敵一則攻之又曰火攻有五火人火積火庫火隊也激清考自古火攻不止五若孫臏之滅竈田單之火牛皆誘兵以奇勝非以正用也若後漢諸葛亮之火攻最有節制紀律者是通奇門六壬太乙加以善翻禽倒將之術料敵不爽也非若今之神棍巧烟火侑食侑酒之具以愚當事當事竟信其愚誠爲可笑

占曰南主蠻夷北主胡夷兩河動搖則中國兵起兩河不動華夷兩寧南星不具則南道不通北星不具則北道不通金火守中國兵起又云動則胡夷爲變彗孛犯守兩河則蠻夷胡夷大亂中國

天罇三黑星距西去極六十八度入井十六度在
五諸侯南主盛饘粥給酒食之正孟子曰三年之
喪齊疏之服飭粥之食周禮天官冢宰有酒正掌
酒之政令一曰主給貧餒餒飢餓也乃賑濟之食
占曰天罇居常明大動搖則旱澇飢荒賑濟行不
見則國無賑濟人民飢死道路相望居常吉

五諸侯五星距西北去極五十六度半入井六度
在東井北近北河一曰帝師漢張良以三寸舌爲
帝者師周文武師呂望○二曰帝友舜有七友並

爲歷山雷澤之遊一雄陶二方面三續牙四伯也

五東不訾亦曰東不識六秦不虛亦曰秦不空七

靈甫漢光武有嚴光之友○三曰三公解見前○四

曰博士古者有五經博士十五人旗儲孟喜梁丘

賀京房歐陽生夏侯勝夏侯建齊后倉魯申公韓

嬰毛萇戴德戴聖顏彭祖顏安樂○五太史曲禮

云天子建天官先六太典司六典一太宰二太宗

三大史四太祝五太士六太卜周有太史佚○又

大夫漢爵二十級內有大夫官大夫公大夫五大

管窺輶馬
夫唐文官散官有二十九階內有光祿大夫金紫
光祿大夫銀青光祿大夫正議大夫通議大夫中
大夫奉中大夫中散大夫朝議大夫朝請大夫朝
散大夫此五者常爲帝定疑議又曰主刺舉戒不
虞解見前又曰主治陰陽察得失三公調理陰陽太
史審究得失

占曰五諸侯明大潤澤大小齊等則國福主天下
太治芒角天下相猜忠良不用彗孛守國亂兵起
積水一星去極五十四度半入井一十八度在北

河北水官所以供酒用一曰給酒食官又主水災
水官卽今光祿寺官因有天罇故主酒官也星名
積水故主水災

占曰積水不見主水災彗孛犯酒有酖毒

積薪一星去極六十五度半入井二十七度在積
水東主備庖厨用烹飪事飪者烹調生熟之節

占曰積薪明人主安享火守積薪庖厨中有火災
水府四黑星去極七十六度入參七度在井西南
水官主隄防溝洫事水官卽今工部都水司官周

禮地官之職凡治野夫間有遂人之職九夫為井
井間有溝百夫為成成方十里成間有溝洫深廣
各八尺

占曰水府明大則江河泛溢不見則塞壅關梁不
通土犯則水道阻

水位四星距西去極七十三度半入井一十八度
在井東主水衡又主水瀉溢瀉注也溢滿也言水
注滿而溢流

占曰水位移入北河則國沒為江河水土守百川
盈溢

四瀆四黑星距西南去極八十六度入井二度在
井南南河裏為江河淮濟之積江瀆源出岷山今
松州廟在益州建寧縣河瀆源出崑崙今西域廟
在河中府龍門縣淮瀆源出桐松山今唐州廟在
唐州桐栢山濟瀆源出王屋山今孟州又曰出玉
聖山廟在河陽濟源縣蓋瀆者獨也言皆獨源注
于海者

占曰四瀆明大則水泛溢

軍市十三星如錢狀距西去極一百零七度半入井初度在南河下參南乃天軍貿易之市貿易言交相換易處

占曰軍市居常吉客守有奸聽軍情者金火守則軍大飢彗孛守則天下盜賊侵行標掠亂市兵起野雞一星去極一百零九度半入井四度在軍市中知變怪虞伏姦格物論云山雞鷓鴣也亦名曰錦雞漢呂后名桀因改名曰野雞左傳昭公十七年剡子曰雉有五雉曰鷓雉曰鷓雉曰鷓雉曰鷓雉曰鷓雉

雉虞憂也伏潛

防潛伏姦邪人

占曰野雞如常天下寧芒刺奸邪狗盜擾亂市民客守奸邪伏市潛營探聽軍情爲奸金火守兵起彗孛守盜賊滿野天下不寧○漱清考野雞乃野外寇盜侵掠百姓禦奪人財物者乃竊鈎類非竊國類至秋八九月觀野雞狼星芒角動搖每每有

驗

孫星二黑星距西去極一百二十五度入井六度在子星東主孝愛侍丈人相持而居孝經云愛敬

管窺輯要 卷之四十四
盡於事親又曰因親而教敬大學云孝者所以事君也孟子曰事孰爲大事親爲大又曰斑白者不負戴於道路矣俱孝愛相持意

占曰孫星如常吉不見則有灾

子二黑星距西去極一百二十五度入參九度在丈人東占主與孫同

丈人二黑星距西去極一百二十八度入參四度在軍市西南主壽考而哀孤惇老人之象又曰主壽考之老臣丈人老人之通稱書洪範云九五福一曰壽言人有壽而後能享福五曰考終命言順受其正也

占曰丈人星明則老臣多壽天下老人亦有壽不見則天下老人多死

闕丘二黑星距東去極九十一度半入井十五度在南河東主象魏天子之雙闕諸侯之兩觀所以別尊卑象魏解見前雙闕乃左右闕兩觀東西觀易云上古穴居而野處後世聖人易之以宮室上棟下宇以待風雨自漢以來天子獨稱爲宮闕諸

侯稱爲宮所以別尊卑觀者樓上也

占曰闕丘居常吉土木守有修作事金火守有火
灾客守奸細入闕門彗守兵戰闕下大亂宮中
弧矢九星距西南去極一百二十三度入井一十
二度在狼星東南天弓也外一星矢也常向狼主
備盜賊行陰謀易繫詞云弦木爲弧剡木爲矢弧
矢之利以威天下弦直也剡利也又曰主伐叛懷
遠言征伐反叛之國懷柔四遠之人

占曰弧矢大而齊明潤則天下寧失常盜賊蜂起
屈曲則夷狄來服青黑國憂弧矢引滿君臣相訾
天下兵起芒角海內兵起弧不張矢不直盜賊橫
行狼弧張害及胡天下乖亂又曰弧矢張天下盡
兵弧矢擬射頑狼胸僅對狼星者天下無盜賊不
對盜賊滋繁

狼一星去極一百零七度半入井一十度在井東
南爲野寇盜賊主殺掠野寇言盜賊潛隱山林出
沒不時標掠人財禦奪人貨者激清考野寇盜賊
者如梁山宋江類非穿窬小賊

占曰狼星色欲黃白無光芒不動搖則天下寧居
光芒四張動搖變色天下盜賊滿野擄掠百姓明
盛則海內兵起動搖胡兵大起躁怒則盜賊出人
無禁忌白芒則白衣之徒聚天下有兵赤則尤甚
金犯赤芒四野兵起狼移徙則人相食狼爲盜賊
奸寇弧司其非故注矢以對之矢直則狼不敢動
盜賊不起若弧不張矢不直則賊盜橫行弧矢動
搖則盜賊多

老人一星去極一百四十三度人井一十三度在
弧矢南主天下壽嘗以秋分之際候之南郊見則
治安天子壽一日南極此言極者非樞機也蓋以
其所處在於極南近地故也宋中興天文志云南
極老人司天下人壽蓋北極在艮丑南極在未坤
南極入坤地三十六度不可見故其精神出地以
見乎南謂之南極老人然其出地亦不甚遠故隱
不常見則爲祥其勢位等威與中斗相埒以轉上
帝故雖在井分井不得而司埒環也愚按中斗諸
書不載考之北斗卽中斗引天官書曰斗爲帝車

運於中央監制四方居極之南自北而觀之故曰
北斗

占曰老人星常以秋分後五日旦見丙方春分前
五日夕見於丁方明大潤澤天子壽昌天下人亦
壽不見主天下多疾疫

井宿雜座

南河北河

南河北河各三星分夾東井一曰天高一曰天亭
天之關門也主關梁南河曰南城一曰南宮一曰
南紀一曰陽門一曰南閔一曰越門北河曰北戍
一曰北宮一曰北紀一曰陰門一曰北關一曰胡
門南河戍為權主火一曰南戍北河戍為衡主水
一曰北戍南戍間為天中道七曜之所常行行而
過之則吉不得久留則殃咎生焉南河星明則天
下安不明則四夷交侵動搖則邊兵大起星不具
則有大道不通南星不具則南道不通北星不具
北道不通

月入南北河戍門天下人疫南戍為中國北戍夷

狄之國月行南河戌中若犯之兵起中國凶大旱
人疫男子多死月行北河戌中若犯之兵起夷狄
凶大水人疫女子多死○月出天門中道之南大
臣憂天子惡之○月出天門中道之北狄王死月
暈南北河有土工月行南河戌南刑法峻急誅罰
不當兵起且大旱月出天門中道之北而行北河
戌北人君失道奢侈貪淫自恣兵起大旱近期三
年遠九年災禍至○月入北河冠帶之國兵盡起
歲星行南河戌中四方兵起百姓疾病○歲星乘
南河戌若出其南中國起兵○歲星乘南河夷狄
兵起邊界有憂有旱災人飢○木星留守南河戌
中爲喪人病男子多喪出北河若乘北河戌爲女
子喪乘北河戌若出其北狄王死○木星守北河
狄兵動若守三十日不下狄王死狄人敗天下大
水人飢不出二年○木星守北河邊臣有以罪死
者○木星守兩河天下離隔道路不通○木星入
北河戌天下有覆囚移繫一日大臣誅
熒惑行南河戌中大旱四方兵起民疾病○火星

中犯乘守南河戍天下兵盡起大旱大疫男子多
死守之二十日至三十日國有男喪荊州占曰火
星守南河兵起守之三十日以上百川皆溢五穀
不成大旱灾郗萌曰火星守南河戍大國主重不
吉子伐父有旱火之灾石氏曰火星守南河蠻夷
兵起邊戍有憂人飢玉曆曰以火爲害火星守南
河之西星水菓不實蝕其西星有兵蝕其東星天
下大戰○火星逆行犯守南河國有喪人主當之
火星逆行犯守北河國有喪人主當之○火星入
北戍中大臣有盜職者若畱止之天下兵悉出○
火星入北河戍從西人六十日有喪從東人九十
日有兵○火星守北河戍狄兵大起入境若守之
二十日狄兵敗○火星守北河戍大國女主重不
吉天下大水人飢不出其年○火星守北河環繞
之成勾巳狄王死○火星守天闕日月之門人主
絕祀以入日占國大喪內亂○火星舍北河戍二
十日國有女喪○火星舍北河戍天下有覆獄移
繫一曰大臣誅○火星舍兩河間畱二十日河闕

管子地員篇
卷之四十四
不通諸侯逆命留三十日百川皆溢兵起天下困
穀不登天下中隔不通○火星舍南闕下爲飢○
火星出北河戍守北河若環繞之邊將有不請命
而伐夷狄者勝火星行北河戍北去北戍三丈當
復發千人以上去北戍二丈復發萬人以上去北
戍一丈城閉道無行人○火星蝕北河西星人相
食蝕其東星五穀不實兵起

鎮星守南河兵起道不通蠻夷兵起邊戍有憂旱
災人飢○土星守北河戍西五穀不實○土星守
天門天下道路不通○土星守北河夷狄兵動若
守三十日不下狄王死狄人敗天下大水人飢不
出二年○土星守兩河戍有賜爵祿不出六十日
有赦有土工事○土星乘南河出其南中國旱民
災出其北北狄災○土星行南河戍中爲旱人疾
疫有男子之喪○土星出北河戍北若乘之狄人
死有女喪有大水

太白守南河天下難起道不通蠻夷兵起邊戍有
憂旱災人飢一日邊臣有謀諸侯兵起君憂敗亡

太白守北河戍邊戍有謀兵起闕梁不通主憂期
 一年郝萌曰有內謀有白衣之會四夷相伐狄兵
 動守之三十日不出狄人敗狄王死天下大水大
 飢不出其年○太白留止南河戍中旱人疾疫國
 有男喪留之三十日有奸謀太白舍南河戍三十
 日百川皆溢太白乘南河戍若出南河中國兵起
 ○太白乘北河戍若出北河北皆為狄王死若留
 北河戍中三十日必有自來之王將其民降中國
 留之過三十日四夷大亂太白從南來南夷當之
 東西北亦然○太白行南河戍中若留止之為西
 方兵起大疫○太白犯南河臣有謀若兵起夷狄
 若憂○太白舍北河戍三十日國有女喪太白留
 止北河戍下中國之兵所向皆勝太白入北河戍
 中而留止不出百日天下之兵悉起並戰金火俱
 在天關中有大事有分國○太白行兩河中道不
 去而守之天下離隔不通出陽門中為旱為疾出
 陰門中為水為兵

辰星守南河戍兵起蠻夷亂邊城憂有旱灾人飢

○水星留南河戌中為兵起西方水行南戌中若
留南戌為旱為飢為疾水星守北河夷兵起邊臣
有謀若留止天下兵大起○水星出北河戌間而
留守之狄兵人以敗去○水行南河天門中不去
而留守之天下有難道不通天下乖離○水星乘
犯南河戌出其南中國有兵

客星出南河戌有男子喪於外入南河戌有男子
喪於內客星出南河蠻夷兵起道不通○客星入
南河大旱人飢○客星出北河戌狄兵動關河塞
有憂北河戌多星民不治將失職狄為暴○客星
守南河民多瘟病○客星入北河有大喪於外有
水災人飢從東入九十日有兵從西入六十日有
喪客星入北河諸侯有奸謀有狄兵○客星守北
河大水狄為暴奸臣在中后有乳疾○客星守兩
河成若犯之天子出走大臣執威天下有難客星
見兩戌間奸臣在內○赤星守北河戌臣賊主大
臣誅

流星犯南河蠻夷兵起防戌有憂一日有喪旱○

管窺車要 卷之四十四
流星入南河兵起人飢客星抵兩河間天下大飢
○流星入北河為水為飢一曰狄兵入中國關梁
不通○流星絕兩河間天下有難道路不通

彗孛出南河蠻夷起兵邊戍有憂若關吏有罪者
○彗孛出北河戍狄兵起邊城憂○彗孛守南河
大旱○彗孛守北河大水狄兵入中國以敗去

蒼白氣入兩河戍間兵大起道不通出之則禍除
○蒼白氣入北河邊兵動又為疾病狄王死○黃
白氣入河戍間隨河行天子出德令逆河行客來
和親○赤氣入南北戍間天下有難道路不通○
赤氣出兩河間天子用兵於諸侯

積水

積水一星在北河北一名聚水主聚美水以給天
子酒官其星明則天子安宴享禮行不明則五穀
不登宴享禮廢徭役繁多人民憂明大動搖則河
海決溢津梁不通一曰星明則水大出則滄邑

五星犯守積水有水災水動不成水兵起魚鹽糴
饗人飢○火星入積水若守之旱且水巫咸曰大

管窺車要 卷之四十四
臣誅

客星犯積水兵起天子宮門宗廟不祀大臣憂○
客星出積水天下水溝爲灾有土工隄防之事不
出一年

流星抵積水若入之有大水舟楫用人大飢○彗
孛犯積水兵起宮門宗廟毀絕大臣憂○蒼白氣
入積水天下水灾

五諸侯

五諸侯五星在東井東北近北河一曰帝師二曰
帝友三曰三公四曰博士五曰太史主爲天子定
疑土官也主中舉戒不虞又主扶顛持危發奸摘
伏察陰私隱匿之事星欲其均明明大潤澤大小
齊等則王者吉昌輔臣忠正差戾不明則忠良屏
斥上下相猜動搖則王者不安天下憂五諸侯生
角則禍從中起移徙則外牧傷天子避公卿逃五
諸侯不見貴人有謀主者五諸侯赤則歲豐暗則
歉

月犯五諸侯諸侯有誅死者

五星中犯乘守五諸侯諸侯死以所中命之期三年○五星入五諸侯兵起伺其出日數之期二十日發兵又以始入日數之率一日期十日兵罷凡入列宿皆如此期之

歲星犯五諸侯兵大起將士出諸侯有憂○歲星守五諸侯臣有謀主者議臣不忠若以罪黜木星中犯乘守五諸侯諸侯有以兵死者

彗惑守五諸侯人主愚弱諸侯有奪地誅死者○火星犯五諸侯若守之兵大起諸侯憂有兵死者期三年○火星逆行犯五諸侯秦國不可與兵先起者凶後起者昌火星犯五諸侯大臣誅反事不成

鎮星犯五諸侯若守之兵大起將士出諸侯有死者土星中犯乘守五諸侯所中者殃太白辰星中犯乘守五諸侯兵大起諸侯有死於兵者金星犯五諸侯先舉兵者敗凶

客星犯五諸侯王室亂天下兵大起宗廟不祀○客星出五諸侯大臣有憂執政者有罪議臣有黜

者○客星守五諸侯天子親屬失位大水五穀大
貴民路死秦地尤甚荊州占曰諸侯亡地秦地天
殃○赤星守五諸侯天下大亂

流星入五諸侯有大喪以星入日占其國○流星
出五諸侯諸侯有反者其星中散絕諸侯坐其殃
咎

彗孛犯五諸侯兵起王室大亂天子宗廟不祀一
曰州牧反西方諸侯失土執政臣誅若有被誅者
貴人當之人主有憂遠不出五年○彗星出五諸
侯兵起廟廊之中一曰允合諸侯牧守皆反
蒼白氣入五諸侯諸侯有黜死者

天罇

天罇三星在井北五諸侯南主盛饘粥以給貧病
其星明則吉暗則凶○五星犯守天罇民飢

積薪

積薪一曰在積水東聚薪也以給享祀供庖厨糞
星欲明明則五穀熟享祀修庖厨之不明則庖厨
空虛天下旱歲不登人飢國憂積薪不明君臣不

管窺輶要 卷之四十四
樂宗廟不享積水積薪相去五尺以內則天下和平五穀豐相去一丈以外天下飢荒人民流亡○五穀犯積薪若守之五穀不成民飢流亾○木星守犯積薪大旱人飢金木守犯積薪兵起○火星守犯積薪大旱川易道庖官以火爲憂五穀旱傷客星守犯積薪有亂臣在宗廟○流星抵積薪厨官憂之天下以薪蒿爲憂○客星出積薪有以薪蒿之事致罪者

彗孛犯積薪有奸在宗廟赤星入積薪火焚積聚
水府

水府四星在東井西南水官也主設隄以備水其星明大異常則有水災他星犯之占同水位

水位

水位四星在東井北西南列主水衡以洩滯溢水官也星贊曰水位四星瀉溢流石氏曰衡平尚水水平而後流其星微小如常則雨澤時天下平安明大則大水橫流五穀不登民以水飢變色失常則兵水俱起水位土近北戌則國沒為河以變起

日占國

五星犯守水位天下以水爲害津梁阻塞一曰大水入城郭傷人民期二年○五星守水位出其北大水出其南大旱○火星守水位下田不位客星守水位百川泛溢客犯水位大水河決水道不通水賊兵起水官憂一曰臣下有謀兵起期三年○客星犯水位水道阻塞有伏兵在水中以水爲害若在水位臣下有謀兵起

流星入水位天下有水河溢流五穀不成天下大飢人流亾○流星出水位色青黑所之風大水色青黃所之地大旱

彗孛出水位天下大水五穀不登人民飢兵起○彗孛犯水位水道不通有大賊以水爲害天下大水人飢流亾○黑氣入水位大水赤氣入水位大旱

四瀆

四瀆四星在東井南軒轅之東江河淮濟之積也其星明大搖則大水泛溢

闕丘

闕丘二星在南河東天子之象魏其星動搖宮闕
間有變○金火守闕丘兵戰闕下○客星出闕丘
宮闕之間有奸臣有賊○彗孛出闕丘天子離其
宮闕一曰宮闕之中有兵大起彗孛犯闕丘帝王
滅○赤氣入闕丘宮中火災天子不安其居

軍市

軍市十三星如錢狀在參南天軍貿易之市水官
也軍市中小星衆則軍食足少則軍乏糧市空則
士卒離叛

月入軍市兵起人主憂○五星入軍市天下以亂
起兵若守之軍飢士卒逃散

客星入軍市軍中有刺客○客星出軍市軍中大
飢將走士卒逃亾無軍在外客星出入軍市兵起

○流星入軍市大將出○流星入軍市軍無糧食
散一曰有客使軍中以五色占其所從來○彗孛
出軍市大兵起大飢兵乏糧將士離散軍民多死
赤氣入軍市軍中大驚

野鷄

野鷄一星布軍市中主知變怪虞伏奸又曰野鷄大將也主屯營軍之號令警急設備其星明大則將勇兵強不明則將弱士卒離散芒角動搖則兵起野雞野將也主兵野雞出市則天下兵相攻

以下至老人干犯占中屬抄本闕失

客星犯老人天下老人灾兵起○客星入老人爲政不和入守之天下人疫兵起老人行客星出老人兵起老人不安○客星色黃潤光澤守老人是謂扶老其國昌老人安

流星出入老人老人憂疾流星抵老人大兵起老者行○流星冲南極老人天下大安風雨順時天子昌壽

彗孛出老人人主受殃老人不康○白氣掩入老人王國絕

天狼

狼一星在井東南主殺掠一曰天陵主南夷主盜賊金官也其星色欲黃白無光芒不動搖則天下

寧色赤而大光芒四張動搖動變則天下亂兵大起盜賊橫行百姓憂危狼為盜賊弧為弓以備盜賊故弧常射狼矢端直則狼不敢動而盜賊不起狼星搖動則狄兵大動人主不居其宮操怒則人主好馳騁狼又主羊犬狼星易處則天下大飢兵滿野狼星白芒則白徒聚天下芒角則多盜賊色赤則兵大起色黑則國有憂

月犯天狼有兵陣而不戰一曰兵起小戰有水事月犯天狼外夷相謀月暈狼弧兵起○五星犯守天狼兵車滿野盜賊塞路一曰狄兵入中國一曰野獸犬多死大將出行其國有兵以入日占之一日有死將多盜賊人主憂

火星守犯天狼諸侯相攻夷狄將死狄有自反其主者○火星守天狼天下發兵將軍有千里之行若勾已環繞之大人憂太白占同

客星守天狼夷狄來降郅萌曰邦失大臣色赤者得色青黑者凶若犯狗大貴荊州占日有圍城以八日占其何國客星出天狼若守之天下兵起多

盜賊將相有千里之行遠不出三年

流星抵天狼兵大起大將有千里之行將軍有死者○流星抵天狼破之秦國有殃先起者亾期二年

彗星出天狼國有急兵大將軍有憂若守之有千里之行有大戰流血軍半死一日天下盜賊起有白衣之會○赤星入天狼狄兵入塞民大恐憂

弧矢

弧矢九星在天狼東南天弓也以備盜賊狼爲奸寇弧司其非常故注矢以向狼弧不張矢不直則天下盜賊橫行弧矢主備非常其星大而齊明色黃潤澤則天下息兵變色非常則天下兵起弧主武官弧張迎戰者不勝弧動先用兵者吉後起者凶狼旗七星屈曲則夷狄可攻狼旗者弧也洛書曰狼弧張害及胡又曰黑帝之亾也狼弧張弧色青黑國有大憂弧矢引滿則君臣相謀天下兵悉起芒怒則天下交兵矢不直則盜賊不禁月行人弧矢臣踰其主○月暈弧矢及狼星兵大

起狗多暴死人相食○五星守犯弧矢貴人多死
大將有千里之行守之兵大起多盜賊以入日占
國邠萌曰糴大貴人飢有兵戰國大驚
客星入弧矢南夷有來降者亦爲蜀○客星守弧
矢野將死石氏曰主將弱外夷大飢有兵若弧星
張則先起兵者利後起者不利○客星出弧矢兵
出入弧矢兵入巫咸曰客星出弧矢若入之其國
有兵大人驚貴人多死士卒出行不出其年○客
星舍弧矢秋雨五穀不收舍弧矢左右臣有伺其
君者

流星入弧矢天下兵起諸侯相攻弓矢貴秦負兵
期一年流星入弧矢有屠城殺將○流星犯冲弧
矢夷狄大起兵大動大戰流血

彗孛出弧矢弓矢大用國亂民驚盜賊橫縱○彗
孛出狼弧間人主以侵欲起怨外夷反叛

赤氣入弧矢天下驚恐一日狄入中國○黑氣入
弧矢狄中疫作

鉞星

鉞一星附井之前不欲其明明與井齊則鉞加大
臣○月五星犯守鉞星爲斧鉞用客星犯鉞星將
卒死彗孛犯鉞星主易地一日秦受殃

管窺輯要卷之四十四終

管窺輯要卷之四十五

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴

桐城方兆及子詒同閱

星 軒 帳



天紀



井

鬼宿論

輿鬼四星天目也主視明察奸謀東北星主積粟
 東南星主積兵西南星主積布帛西北星主積金
 玉中央白氣為積尸主死喪祠祭一日鉄鉞主誅
 戮鬼星明大五穀成不明百姓散兵起大臣誅月
 五星客彗守犯歲不成犯積尸人死如山秦蜀分
 災其北四星曰耀主烽火南六星曰外厨享燕之
 厨也天狗六星在鬼西南變常天下有大盜天社
 六星主社稷東北一小星曰天紀彗孛犯則禽獸

不育

鬼宿說

鬼四星宋志距西南星去極六十九度半赤道二度二十分黃道二度二十一分鬼下四尺爲七曜中道主視明察奸謀天之目也東北星主積馬東南星主積兵西南星主積布帛西北星主積金玉隨其變占之明太則五穀成暗則人離散動而有光則賦歛重徭役多移徙人愁政令急歲守五旬不下民有大喪百日不下民半死亡若歲犯東南星兵起火入賊在大人側忠賢戮死國多蝗金入有兵將軍死又曰亂臣在內又曰病在女王太白晝見秦有兵土入或逆行而入有土功又主斬殺故鬼一名鉄鑽月犯五星入皆主大臣誅一作人多疫又主犯事祖考之象故主死亡月犯西南星有錢令主賜羣臣錢有差水守十日金帛散於諸侯一作穀貴民饑中央一星名積尸者亦曰積尸氣謂之氣者但見其氣而已謂之尸所以象神者也晉灼曰鬼五星其中白者爲質火入輿鬼天質

占曰大臣有誅故史記謂誅成質欲其忽忽不明則安木食積尸則天下有妖言小人在位君失權人多死火入犯積尸大人憂其氏曰積尸搖動失色則疾病金火合於東北星五寸許則地動民多疫若熒惑犯鉞而土犯鬼則大臣憂而宗廟改積尸明兵起漢桓帝建和元年八月壬寅夜火犯鬼質星二年二月辛卯火行在鬼中更詳之

燿四星在軒轅尾西亦曰烽燿主烽火備警急邊城之候暗則安明大甚則邊警急動搖芒角亦然一作主變國火供明水燧人司火之官故明吉暗

凶

天社六星在弧南老人之東乃天社之神其位坤其氣未明直則社稷安暗小則危若動則臣謀上隋志云共工氏之子勾龍能平水土故祀之以配社其精爲星焉

外厨六星在柳南天子之外庖主烹宰以給宗廟明吉暗凶與天厨同占

天記一星在外厨南主知禽獸之年齒所謂獸人

命異事考卷之四十五
四
也不見及金火守則禽獸多死或作天紀
天狗七星在鬼西南狼之北橫於河中以備盜也
移則兵起金火守犯則盜多人相食
鬼宿主祠祀死喪誅斬度二度二十分內四尺爲
黃道餘見井宿下

鬼宿歌

四星冊方似木櫃中央白者積尸氣鬼土四星是
燿位天狗七星鬼下是外厨六星柳星次天社六
星弧東倚社東一星是天紀

鬼宿考

燿四星在軒轅尾西亦曰燿燿主烽火備警急○
天狗七星在狼北鬼宿西南橫河中以守賊也○
天社六星在弧東南社神也○外厨六星在柳南
祭祀宴享之厨○天紀一星在外厨南主知禽獸
齒歲

鬼四星一曰天目主察奸僞又主疾病死亡又主
祠祀忽忽不明吉明則五穀不成人多死亡搖動
則賦歛重政令急妖魔出現兵起東南一星主積

兵東北一星主積馬主斬殺西南一星主積布帛
西北一星主積金玉其中央色白如粉絮者謂之
積尸氣一日天尸主祭於西又主喪於西又主
積尸一星在鬼宿之內一日天尸主葬埋祠祀之
事○燿四星在鬼之西北軒轅之西亦曰烽燿主
烽火以備倣急星不欲明亦不欲隱小而不明則
天下安○天狗七星在鬼宿西南以備賊也經曰
天狗吠盜而映漣移徙則多盜○外厨六星在鬼
宿東南祭祀宴享之厨也占與天厨同○天記一
星在外厨東南主知禽獸齒歲凡有烹宰不天幼
不殺孕故處外厨之門金火守則禽獸多死○天
社六星在天記西南社神也明直則社稷安
鬼五星中爲積尸氣三度距鬼西南星去極六十
九度在黃道內太土星也春夏爲水秋冬爲火天
目也主窺視奸謀東北星主積馬東南主積兵西
南主積布帛西北主積金玉隨變占之中爲積尸
主死喪祠祀一日鉄鑽主斬誅天積尸能變中星
如粉絮一名天尸又名鑽星鬼又爲朱雀頭以爲

天廟尸星不欲明明則兵起大臣謀鬼害人民多
疾疫人死如丘山見明大各成不明百姓散鉄鑕
用欲其忽忽不明則安明兵起大臣誅一曰大臣
叛動則視聽不正人多死有祭祀事

日月食鬼中貴臣有憂天下不安○木入守犯積
尸國有大喪久守五十日天下人死半火入守天
尸若十二月從七方來入守則人多死大臣被誅
餘月災輕○火環繞成勾已有大喪天子皇后忌
之有兵起有赦一曰旱災○土入守天尸皇后有

憂大臣謀主土入守之一曰將軍有憂兵起國有
大喪臣叛○水入守貴臣反執法官被誅又主水
災兵旱○客入守大尸男夫多死守西老人多死
居東丁壯多死守南布帛貴守西金玉米貴○彗
孛行犯之國內兵起亂天下人多死君王不安之
象

鬼宿總敘

鬼宿四星曰輿鬼一曰天目主視明察奸爲朱雀
頭眼一曰天廟主祀事一曰天訟一曰天櫃一曰

天墮主疾病死喪土星也其中爲日月五星中道
東北星主積馬東南星主積兵西南星主積布帛
西北星主積金玉并有變則占其所主其中中央色
白如粉絮者謂之積尸氣一曰天尸主死喪祠祀
一曰鈇鑕主刑罰主誅斬天尸如雲飛如星飛見
氣而已不欲其明明則鬼害人多病死其分外四
星甚明明則五穀不收民離散移徙則政急動搖
則役煩賦重其殃爲君死國亡連年水害鬼質明
則兵起臣謀主民流亡動搖則疾疫兵水之災並
起人死如麻

日月變異占

日在鬼食國有大喪天下不安一曰皇后貴人憂
一曰秦國君當之○日暈於鬼其分有兵武密占
曰大臣誅不則有廢黜一曰有大喪○日在鬼食
貴人憂一曰后有憂不出一年武密曰大臣有誅
者天下不安

月暈於鬼石氏曰秦粟貴三倍海中占曰大旱荆
州占曰有兵不戰一曰其分旱五穀大貴一曰歲

惡多霧霜雪多死蟲○月以夏三月暈鬼大雨五
穀不成皆在月初○月以正月上旬暈有赦期三
十日郝萌曰月以一月兩暈鬼病多死人○月以
夏三月暈鬼多大霧多雹多雨水有蟲災一曰一
暈爲寒再暈爲小水三暈爲大水五穀不成○月
以四月七月十月暈鬼中出氣皆爲人死東行爲
老公南行爲丁壯西行爲老嫗北行爲少年皆期
九十日一曰月以正月上旬暈鬼有大赦一歲再
暈鬼亦赦期百八十日○月宿鬼而霧有兵戰主
人不利

月五星干犯占

月犯鬼民疾疫郝萌曰兵在外將死一曰大臣誅
國有憂武容占曰貴臣女主憂天下人民不安諸
臣有憂○月犯天尸亂臣在內陳卓曰內亂大臣
有誅一曰秦邦君憂○月入鬼人主憂寶物出一
曰人多病死從南入爲男從北入爲女從西入爲
老人棺木大貴○月食鬼女主憂貴臣死有大喪
謀臣憂糾彈之官有凶○月食天尸其分兵喪土

工起鉄鑽用○月犯鬼西南星布帛貴有錢令犯
西北星金玉出犯東北星馬多死犯東南星兵大
起

歲星守鬼巫咸曰天子賜諸侯金玉錢布帛石氏
曰人主有祭祀事鄒明曰五穀傷民饑死人主以
命終人多病枉死天文論曰外邦諸侯有來朝者
○木守鬼十日以上金錢大出木守鬼西南五日
以上秦漢之地必有反臣海中占曰木守鬼出其
北早出其南多雨水五穀不熟出其左右貴親坐
之又曰木守鬼角動有謀逆者色黑謀不成伏誅
石氏曰木守鬼五十日不下民有大喪百日不下
民半死○木守鬼居東北麻豆成若東南豆麥熟
居西北黍稷不成居中央歲凶乙巳占曰木守鬼
入之十日以上金散於諸侯期六十日○木入鬼
相出或敗死石氏曰木入鬼十日以上金錢散石
氏曰木入鬼大臣誅一曰亂臣在內國有喪有妖
言小人在位天子失御○木入鬼食天尸石氏曰
天下死者大半王者疾病有兵又曰諸侯大臣有

戮死者其國有大喪荊州占曰亂臣有亂兵起有屠城一曰在丑月則災甚○木逆鬼其君不聰明用度無窮石氏曰木逆行鬼出其陽男子災出其北女子災出其左右貴人災出其中天子當之若逆行鬼犯食天尸則有大兵鈇鉞用大臣誅天下有積尸若十二月其災尤甚一曰木逆行守鬼其色怒者先憂後喜○木犯鬼穀傷人饑王者以疾終近布帛發布帛近金玉發金玉近馬發馬近兵發兵犯約七寸守約三日他準此○木去鬼諸侯憂入鬼諸侯世子有死者期六十日去天高入鬼大人死不出百二十日○木留舍鬼處其東北麻豆成稻不成舍其東南豆麥成人有渴死者舍其西南天下多死喪舍其西北黍稷成麥不成早蠶惡晚蠶成黃帝占曰木處鬼南有易君處北易相處西老人死一曰姪婦多死

熒惑犯鬼黃帝占曰女主失勢一曰國有大喪大臣誅其氏曰執法有戮荊州占曰忠臣戮死不出一年石氏曰旱多火災大臣憂一曰有女喪大將

死兵起火入鬼大賊在大人側一日有兵喪金玉
用有大赦黃帝占曰財寶出物貴天下大疫○火
入鬼犯天尸井氏曰兵起天下大戰流血有沒軍
死喪三十日不下有大喪人流亡死者大半期三
年黃帝占曰火入鬼中留三十日以上兵起大戰
多死者人有大喪石氏曰火入鬼中五日后死七
日相死四月國君死巫咸曰火入鬼將相有誅死
者一曰有內亂兵大起有屠城白骨滿野○火舍
鬼君疾疫人疫應在冲郗萌曰風雨不時多霜雪
舍西北姪婦多死舍中小兒多死人多頭病曰
痛舍東北長年多死有大水舍東南老人多死○
火出入留舍鬼五十日不下國水傷有空邑○火
守鬼黃帝占曰女王病留十日諸侯大人當之留
二十日太子當之又曰火守鬼東南七日少年病
守十日老人病守其中君憂郗萌曰火守鬼東北
男女兵相殺守東南民多死守西北夷狄叛有反
軍守西南人主惡之秦地有反者一曰火守鬼天
下男子疾荊州占曰火守鬼東北星棺木貴守東

南星主穀貴守西南星金錢貴守西北星鐵器魚
鹽皆貴百倍石氏曰火守鬼貴相戮一曰國有祭
祀之事一曰天下大疫物貨皆貴巫咸曰有兵兵
罷多水災五穀皆不成一曰火災一曰執法令有
坐罪者一曰出其南旱出其北水○火舍鬼已去
之復還居之大國之君必凶殃○火出入留舍鬼
成勾已至尊失宗廟期六十日若百八十日○火
逆行鬼有火災自柳還至鬼人相食一曰女主不
印○火經鬼中還守西北角外角有逐王來降者
○火逆行守鬼成勾已王者惡之兵起金錢玉帛
散出將軍有戰死者期不出其年○火入鬼而守
其中天下白衣聚土工興○火中犯乘守天尸皆
爲國有大喪兵在西北有殃軍死將苦以十二月
從西來入守之則人多死大臣被誅他月則災輕
若環繞之成勾已國有大喪天子皇后皆凶兵起
有赦且有土工
鎮星犯鬼甘氏曰人君必有所戮天文論曰其分
有喪一曰人主惡之一曰宗廟改○土逆行犯鬼

女主奢淫用財過度若女貴戚有憂○土入鬼黃
帝占曰有兵石氏曰大臣有誅者郗萌曰天下大
疫一曰有戮王南宮侯曰主謀其臣巫咸曰有土
工○土入鬼守之王者有憂財寶出亂臣在內民
饑乙巳占曰南入爲男北入爲女西入爲老人東
入爲丁壯棺木貴○土入鬼犯天尸王者惡之甘
氏曰皇后憂謀君有誅死者留之五十日不去天
下大旱大疫多死人棺木貴乙巳占曰不出七十
日有大喪在陽爲君在陰爲后左爲太子右爲貴

臣○土守鬼石氏曰大人憂宗廟改巫咸曰后宮
有憂天下旱物不成則土工大起郗萌曰天下受
賜財寶出又曰土守鬼大疫守西南星西南病守
西北星西北病守東北東北病守東南星東南病
守其中天下皆病巫咸曰土舍鬼中有赦○土出
入留舍鬼大旱大疫布帛貴天下人多死來視
所從入去視其所從出以言其人及其所受之方
土守天尸其分有積尸以所入之日占何國之吉
凶

太白犯鬼財寶出各以其星所主之○太白犯天
尸將軍戮一曰執法者誅○太白入鬼荊州占曰
將軍戮死陳卓曰兵起郗萌曰歲惡婦人多懷子
死者一曰亂臣在內兵起有屠城南官候曰國有
大喪有兵大戰有死白骨滿野無有葬者一曰天
子以罪斬大臣天下旱一曰女王憂○太白守鬼
石氏曰有兵旱多火災萬物五穀不成郗萌曰太
白守鬼傍女王病國有祀事民災留二十日以上
女王死海中占曰太白出其南爲水出其北爲大
旱○太白行守鬼成勾已若環繞之國有死王大
臣有戮死者五十日不下民疫死○太白入鬼守
天尸兵起將軍憂國有喪下臣謀逆石氏曰近臣
叛有廢主一曰殺大臣多死喪○太白舍鬼西北
石氏曰婦人多病死舍東北郗萌曰天下多梟死
者舍鬼中左右臣有伏誅吞藥死者○太白與鬼
鬪其下有反臣○太白出入留舍鬼久不下人多
病死國兵起

辰星犯鬼五穀不登兵起隨星所主一曰爲天子

所發○水犯天尸貴臣有罪死兵起○水入鬼貴
臣憂執法者誅有火災郝萌曰兵起將軍憂人多
死大人卒荊州占曰亂臣在內兵起有屠城陳卓
曰兵起將軍憂誅一曰大臣憂人主憂財寶出○
水入鬼食天尸君與貴臣俱憂民大疫視其出入
與土同金占○辰星之鬼天下有瘟病者○辰星
守鬼天子不恭祭祀五穀不成人多疾疫民饑流
亡國多誅殺一曰人多耳目疾大人有殃天下多
兵死者海中占曰水守鬼出其南爲水出其北爲
旱郝萌曰水守鬼三月后夫人病二十日太子妃
病十日諸王夫人病○辰星守鬼西南秦蜀有反
臣兵起

客星流星彗孛字干犯占

客星出鬼巫咸曰其國有喪出其南爲君出其北
爲女主左爲太子右爲少女石氏曰有盟詛鬼神
祠祀之事於其國之外○客星守鬼石氏曰有盟
詛鬼神祠祀之事於國內夏氏曰王者亡天下人
多疾郝萌曰多死喪人多相食一曰鉄鉞用大臣

誅人主有大憂巫咸曰客星入鬼居天尸南男子
多疾居其西老人多死居其東丁壯多死居其北
婦女多死居其中兵起天下人多死兵器馬魚鹽
價貴百倍○客星犯鬼井氏曰君有非次自立者
必敗亡天文論曰其分君憂郗萌曰多土工男不
得耕女不得織凶一曰牛貴犯天尸國君憂金玉
貴天下大疫人民多死犯四星隨其所主爲天子
發○客星守鬼石氏曰秦有奸臣欲爲其主巫咸
曰人君憂井氏曰國有大喪守之五十日不去兵
大起將軍戰於野有死者期不出一年郗萌曰客
星守鬼多工役牛馬貴有更改之事民不得耕織
荆州占曰守東南星穀貴守西南星金鐵貴守西
北星魚鹽貴一曰客星守鬼陽爲君陰爲后左爲
太子右爲貴臣又曰客星守鬼西從西入老人死
守鬼東若從東入少壯死○客星守鬼中天下棺
木貴人主惡之

流星入鬼國有宗廟祠祀之事若外邦來貢○流
星入鬼大人憂一曰臣有戮死者視星大小言其

人○流星犯鬼天下威政斬奸春夏犯政不平秋
冬犯天子多疾病○流星出鬼天子使出外有宗
廟祠祀喪事○流星入鬼所之國多病人一曰秦
地之人多病○流星交抵鬼中國與西南夷交兵
奔星有光如火散行鬼上下大臣受賜期六月○
彗孛星出鬼名曰喪樓有大兵大疫積尸暴貴不
出三年○彗孛犯鬼國有內亂天下兵行有大疫
大喪

雲氣干犯占

黑氣入鬼大人皇后皆有憂白氣入鬼人疾病赤
雲氣入鬼大早有火災黃氣入鬼有土工
漢景帝四年七月癸未火入東井行陰又以九月
己巳入鬼戊寅出占曰有誅伐又爲火災後二年
有鼂氏事其應也

武帝建元六年熒惑守鬼占曰爲火災有喪是歲
高圉火災竇太后崩

永平十三年閏月丁亥火犯輿鬼質星占曰爲大
喪質星爲大臣誅其年十二月楚王英作謀逆自

殺

和帝永元十六年七月庚午辰星在輿鬼中占曰
為喪後一年帝崩

安帝永初三年六月癸酉太白入輿鬼中占曰將
凶其後中郎將任尚乃坐贓棄市

順帝永和三年辰星入輿鬼是歲征西將軍馬賢
擊西戎父子俱戰歿

桓帝延熹七年八月庚戌熒惑犯鬼質星八年二
月太僕南鄉侯左勝以罪賜死其年中常侍上蔡

侯愷北鄉侯黨皆自殺

鬼宿去極度數考

按鬼宿本位居于次周營州分凡二度六月旦在
卯七月旦在辰八月旦在巳九月旦在午十月旦
在未十一月旦在申十二月旦在酉十一月昏在
卯十二月昏在辰正月昏在巳二月昏在午三月
昏在未四月昏在申五月昏在酉

鬼四星二度距西南去極六十七度入鬼初度亦
曰輿鬼為日月五星中道主死亡疾病輿鬼輿乃

車屬車形方鬼星之形狀亦方人死必以輿載屍是爲輿鬼易云輿屍凶正謂此漱清考易云載鬼一車亦輿鬼意張衡云主祠事天目也又主明視察奸因天目所以主觀看明遠審考回邪東北星主積馬東南星亦積丘西南星主積布帛西北星主積金玉四星有變爻以所主占

占曰鬼星居常吉芒角則賦歛重徭役繁移徙人愁令酷金火守大臣凶葦字守國有死喪

積尸一星去極六十七度入鬼初度在鬼中央亦曰積尸氣一名質但見氣而已主祠祀死喪晉灼曰輿鬼五星其中白者爲質漱清考鬼在天地間原有氣無形不然日月五星風雨雷電運行天地何者非鬼神之氣故中庸云鬼亦氣之良能造化之迹今積尸有見者氣正此謂一曰鈇鑕主誅斬

前解見

占曰積尸不欲明明則死喪至芒角動搖則饑荒鬼哭神號

燿四黑星距西去極二十度○半入井二十九度

在鬼上亦曰烽燧王烽燧備警急說文云燿舉火
烽燧候表也言邊有警則舉火又曰王四時變火
王司火官周禮夏官司權掌行火政令四時變火
以救時四時之火春榆柳夏棗杏季夏桑柘秋柞
猶冬槐檀因時任木取火

占曰燿星居常天下安芒角動搖有邊警

天狗七黑星距西去極一百零二度入井二十二
度在鬼西南橫河中主防奸禦寇吠則凡犬皆應
之山海經云天門山有赤犬名天狗其所下處有
兵天狗之光飛天流而爲星長數十丈其疾如風

聲如雷光如電激清考漢時有七國陰謀約叛時
天狗過梁野軍兵死亡甚多此天狗正是赤犬之
妖不過一星此爲天狗有七黑星乃經星不動者
正是守禦良畜非赤犬比

占曰天狗移徙則兵出四方金火守人相食彗孛
守羣盜滿山野天下大盜作亂

外厨六黑星距大去極九十二度半入柳初度在
柳南天子外厨王烹宰奉宗廟卽今太常光祿烹

管窺輯要 卷之四十五
煮也宰殺也

占同天厨

天社六黑星距西南去極一百三十四度入井一十二度在弧矢南主禱祀事隋志云共工氏之子勾芒能平水土故祀以配社爲后土其精爲星未可盡信姑存之 占闕

天記一黑星去極一百零一度半入井初度在外厨南主知禽獸之齒歲乃獸醫人

占曰天記不見禽獸多死

鬼宿雜座

天狗 一曰在井北

天狗七星在狼北鬼宿西南橫河中以守賊也失色變常則天下有大盜動搖移徙兵起○月暈天狗多暴風金火守天狗人相食○五星入天狗荆州占曰北夷大饑來歸國多土工守之爲兵謀一曰大饑人相食○客星入天狗有暴風急雨黃帝占曰北夷饑來降荆州占曰多土工守之守禦臣作亂○彗出天狗羣盜起虎狼害人犯之盜賊起守禦之臣憂

天社

天社六星在弧東南社神也其星明直則社稷安動搖失常則下謀反○金火守天社社稷不安○客星入天社有犯神於國內出天社有犯神於國外犯之社稷危國易主○彗孛出天社若犯入之除舊更新社稷再造

天稷

天稷五星在七星南農正也取百穀之長以爲其號主百穀其星溫溫而明則百穀成歲大豐不明則穀不成星不具則歲饑亡不見則大饑人相食○五星犯守天稷海中占曰有大旱穀不成大饑○客星入天稷有祀事於國內出天稷有祀事於國外海中占曰客星守天稷五穀散若出之歲凶人饑久守之社稷不安○流星入天稷五穀散出之五穀不成天下饑民流亡○彗孛出天稷歲大饑五穀不成人流亡社稷不安犯之入社稷易主

外厨

外厨六星在柳南祭祀享燕之厨也占與天厨同

○五星犯守外厨天官有憂太白犯之有誅死者
天記

天記一星在外厨南主禽獸歲凶荒○金火守犯
天下禽獸多死○客星守天記國政廢亂○彗孛
犯天記人不安居六畜禽獸不育多死者○黑氣
入掩天記禽獸大疫六畜死耗

燿星

燿四星在軒轅西亦曰烽燿主烽火備警急其星
明而不欲亡小而不明則天下安靜大明則邊庭
有急動搖則外兵大入若不見則城在守侯之臣
○金火守燿星邊庭有急赤氣入之天下烽火大
動起

